

ДАСТАН АҚАШ ҚАЗАҚТЫ КОРЕЯДА ҰЛЫҚТАДЫ



Жақында корей тілінде корей елінің мәдениет министрлігінің ақпараттық агенттігінің порталына Сөмей қаласындағы «Абай атындағы кітапхана» туралы танымдық мақала шықты.

Мақала авторы танымал шығыстанушы-корейтанушы және мемлекеттік басқару саласының маманы, халықаралық қарым-қатынас магистрі Дастан Ақаш. Бұл Абай облысының кітапханасы туралы корей тілінде жазылған алғашқы мақала десек артық айтқанымыз емес.

Шын мәнінде де корей тілінде және шығыс тілінде шыққан алғашқы мақала. Бұған дейін Дастан Ақаш корей елі туралы бірталай мақалаларымен танылған адам. Сөздік құрастырушы, зерттеуші-ғалым, бірнеше кітаптың авторы. Қазақтың барлық жері мен мәдениетін, әрі Абай облысын корей еліне танытып жүрген елшілі азамат. Ол езі өңірдің тумасы. Корейдің бизнес ортасында ұзақ жыл жұмыс жасаған, ғылыми және мәдени ортада ез саласының бөлгілі маманы. 2018 жылы Абай ақын туралы корей тілінде алғаш рет танымдық мақала жазды. Көлемді танымдық, ерекше мақаланы жұртшылық жақсы қабылдап оқыды.

Осы жолы Абай кітапханасы жайлы шыққан танымдық мақалада автор кітапханамыздағы бар ескі, сирек кездесетін кітаптар туралы тоқталып отыр. Құнды кітаптардың тете жазу, латынша және кириллицамен жазылғандығын, олардың көбі 1950 жылдарға дейін басылғандығын баса айтқан. Қысқаша айтар болсақ, автор мақаласында кітапханадағы сирек кездесетін кітаптар қазақ халқының мұрасы екенін атап көрсеткен. Сирек кездесетін тарихи маңызы бар кітаптар екенін таныстырды. Корей жұртына бұған дейін қазақтардың арабша (төте жазу), латынша қолданғанын айтып, қызығушылық тудырған. Кириллица жазуына дейін қазақтардың бірнеше рет жазуы өзгерсе де, сол заманда шыққан кітаптардың осы күні мәдени мұра ретінде сақталып

қалғандығы жазылған. Қазақ тілі секілді корей тілі де бірнеше рет жазуын өзгертіп, дамығандығын салыстырып көрсетті. Қазақ зиялыларының латын мен кириллица жазуында шыққан еңбегтерінің қазіргі таңда Қазақстан кітапханаларында сақталғанын, соның ішінде Абай кітапханасында да кептеп кездесетінін айта кеткен.

Үстіміздегі жылы кектем айында Елордамыз Нұр-Сұлтан қаласындағы болған Еуразиялық «Book Fest» кermесінде Абай облысының атынан Абай кітапханасы қатысып, құнды, сирек кездесетін кітаптарды кермеген қойғанын, және оны Қазақстан Республикасының Мәдениет және спорт министрі Дәурен Абаев мырзаның көріп шыққанын да атап етеді автор ез мақаласында. Қазіргі таңда осындай сирек кездесетін кітаптарға отандық ғалымдар ғана емес, шетел ғалымдары да қызығушылық танытып отырғанын тілге тиек еткен. Осылай корей елінің мәдени және ғылыми ортасына облыстың кітапханасын алғаш рет таныстырып отыр. Бұл әрине кітапхананың беделін арттырып, корей еліне таныла беруінен өз үлесін қосары анық. Дастан Ақаштың осындай ез туған жері мен мәдениетіне ерекше құрметі үшін оған алғыс айтып, осындай жақсы еңбектері, жаңалықтары және жітістіктерімен облыс жұртшылығын қуанта берсін деген тілек білдіреміз.



Майгүл Сөйтқажықызы,
Абай атындағы кітапхананың
дамыту бөлімінің басшысы,
Абай облысы